

## Yeshua un Israelita; E Karakter di Dios!!!

E Poder di Spiritu Santu ta presente pa abo ku ta un **pekadó** yena ku e Amor di Dios Tata, mientras tantu ku Dios Tata ta kla para ku Su Hustisia pa tur **pekadó**. Esaki ta e **Bèrdat** di Dios Su plan for di **prinsipio**, pa Reuní tur kos den Shelu i riba **tera**, i pone Yeshua na **kabes** di tur kos. Asina aki ta e Karakter di Dios Tata. Yeshua un Israelita; E Karakter di Dios!!!

### Yeshua un Israelita; E Karakter di Dios!!!

'Konsolá Mi Pueblo, bai Konsol'é,' boso Dios ta bisa. 'Papia ku Jerusalèm ku Kariño i Anunsi'é: "A yega un fin na bo tempu di Sirbishi, bo **debe** na SEÑOR ta pagá, bo a risibí mas ku basta **kastigu** kaba pa tur bo **faltanan**." ' Skucha! Un hende ta grita: 'Habri kaminda den mondi pa SEÑOR, traha un kaminda Grandi den **desierto** pa nos Dios. (Isaías 40:1-3).

Asina Juan a kuminsá Batisá hende den **desierto** i Prediká ku nan mester Kombertí i Batisá pa Dios Pordoná nan **piká**. For di henter region di Judea i for di Jerusalèm, tur hende tabata bini serka dje. Nan tabata Konfesá nan **piká** i e tabata Batisá nan den riu Yordan. Juan tabata bisti paña trahá di lana di kamel i e tabatin un faha di kueru mará na su sintura. E tabata kome dalakochi i miel di abeha di mondi. E tabata Proklamá: 'Despues di mi ta bini Esun ku ta muchu mas Poderoso ku mi; mi no ta sirbi ni pa bùk kita Su Sandalia. Ami ta Batisá boso ku awa ma É lo Batisá boso ku Spiritu Santu.' (Marko 1:4-8).

### Yeshua un Israelita; E Karakter di Dios!!!

Awor aki den 2021 abo por ta **puntra** abo mes unda abo por mira e Karakter di Dios?

E Karakter di Dios ta bisa: "Konsolá Mi Pueblo". "Mi Pueblo" aki nan ta referí na e Hebreonan. Ora Juan a kuminsá Batisá hende i Prediká ku nan mester Kombertí, nan tabata Kombertí na e Dios di e Hebreonan.

E Karakter di Dios ta bisa: Dios no sa **gaña**, Dios no ta manera yu di hende. Dios no ta haña **duele** di loke EL bisa. Dios lo **no** bisa un **kos** i keda sin hasié. Dios no Primintí algu i keda sin Kumpli kuné!

E Karakter di Dios a bisa e Hebreo Abram: "Lo Mi Bendishoná esnan ku Bendishoná bo i **maldishoná** esnan ku **maldishoná** bo. Huntu ku bo lo Mi Bendishoná tur generashon na **mundu**." (Genesis 12:3). Akaso e Promesa aki **no** ta valido den 2021? Ta Huntu ku e Hebreonan Dios lo Bendishoná tur e generashonnan na **mundu**!

E Karakter di Dios a Primintí ku tur ku ta Kere, Konfia i Kombertí ta desendiente di Abram; e Hebreo pa medio di Fe. E Bon Notisia akí ta e Libertat di Dios na tur pueblo di **mundu**, ku ta Bendishoná e Hebreonan. Yeshua un Israelita; E Libertat di Dios!!!

29 ougùstùs 2021

Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley